

ՈՂՈՐՄՈՒԹԵԱՄԲՆ ԱՍՏՈՒԾՈՅ ՄԵՆՔ, ՆԻԿՈԼԱՅ
 ԵՐԿՐՈՐԳ, ԿԱՅՍՐ ԵՒ ԻՆՔՆԱԿԱԼ ՀԱՄԷՅՆ ՌՈՒՍԻՈՅ,
 ԹԱԳԱՒՈՐ ԼԵՀԱՍՏԱՆԻ ՄԵԾ ԻՇԽԱՆ ՖԻՆԼԱՆԳԻԱՅԻ,
 ԵՒ ԱՅԼՆ, ԵՒ ԱՅԼՆ, ԵՒ ԱՅԼՆ, յայտարարում ենք մեր
 բոլոր հաւատարիմ հպատակներին, Բարձրեալի կամքով
 երեք դար առաջ Բիւրիկովիչների թագաւորական ցեղը
 վերջացաւ, որոնք հիմնեցին և համախմբեցին Ռուսաց եր-
 կիրը: Ծանր արհաւիրքներ թափուեցին Մեր հայրենիքի
 վրայ, անիշխանութիւնն ու խռովութիւնը տիրեցին Ռու-
 սաստանին, օտար թշնամիները խուժեցին նրա սահման-
 ները, նախաթող Մոսկուան իւր սրբութիւններով թշնա-
 մու աւար դարձաւ, բայց Ամենակարող Տէրը Ռուսաստա-
 նին սպառնացող այսպիսի մեծ վտանգի մէջ չթողնելով,
 Իւր մեծ սղորմութեամբ, կոչելով ռուս մարդկանց զօրեղ
 հոգիները, որոնք միացած Տրօյցէ-Սերգիևսկի Մայրավանքի
 հովանու տակ, սգևորելով ռուս ժողովուրդը հայրենիքը
 պաշտպանելու համար և Աստուծոյ օգնականութեամբ յաղ-
 թելով թշնամուն, ազատեց Մոսկուան թշնամու բռնու-
 թիւնից: Ապա 1613 թուի փետրուարի 21-ին հրաւիրուած
 Մեծ Զեմսկի Ժողովը միասիրտ թագաւոր ընտրեց Բօեարին
 Միխայիլ Ֆէօդօրովիչ Ռոմանովին, որը արիւնով մօտ էր
 Բիւրիկի և Սբ. Վլադիմիրի հանգած թագաւորական ցեղին:
 Երկար խորհելուց և ջերմ աղօթելուց յետոյ, Մեր պատանի
 նախահայրը իւր մօր՝ միանձնուհի Մարթայի օրհնութեամբ
 ընդունեց իւր վերայ թագաւորական ծառայութեան ծանր
 լուծը: Այն ժամանակուանից մինչև այժմ Աստուածային
 Աջը պահպանում է և բարձրացնում Մեր պետութիւնը՝
 Ռուսաստանի գահակալ Մեր թագակիր նախորդների և
 Ռուսաստանի հաւատարիմ զաւակների միահամուռ աշխա-
 տանքներով, ստեղծուում էր և ամրապնդուում Ռուսաց

պետութիւնը: Յաճախ ենթարկուում էր Մեր հայրենիքը փորձութիւնների, սակայն ռուս ժողովուրդը, որ ամուր է ուղղափառ հաւատի մէջ և զօրեղ ջերմ սիրով դէպի իւր հայրենիքը և անձնանուէր հաւատարիմ դէպի իւր Միապետները, յաղթահարում էր արհաւիրքներին և դուրս էր գալիս նորոգուած և ամրապնդուած: Մասկովի Ռուսաստանի նեղ սահմաններն ընդարձակուեցին և Ռուսաց Պետութիւնն այժմ անցել է աշխարհի առաջին պետութեանց շարքը: Մեր սիրեցեալ ժողովրդի հետ միացած անփոփոխ միութեամբ, յուսով ենք այսուհետև ևս տանել Պետութիւնը ժողովրդային կեանքի խաղաղ շինարարական ճանապարհով: Անցեալ երեք դարու վերայ ակնարկ ձգելով մենք տեսնում ենք նրա ամբողջ ընթացքում Ռուսաստանի լուադոյն դաւաղների բարձր գործերը, որոնք շեն խնայել նրա համար ոչ աշխատանք, ոչ կարողութիւն և ոչ իսկ իրենց կեանքը: Թող միշտ սուրբ մնայ նոցա յիշատակը Մայր երկրի պատմագրութեանց մէջ և Ռումանովների Տան թագաւորութեան 300-ամեայ համաժողովրդային տօնախմբութեան այս հանդիսաւոր օրը Մեզ համար ուրախալի է երախտագիտական զգացմամբ Մեր սշաղրութիւնը կենսորոնացնել այն ծառայութիւնների վերայ, որ մատուցել են Ռուսաստանին նրա թագաւորների զործակիցները և բոլոր հաւատարիմ հպատակները: Մեծ են շուղափառ եկեղեցու հովիւների և հովուապետների ծառայութիւնները, որոնք լուսաւորեցին Ռուսաստանը ճշմարիտ հաւատոյ լուսով և փառաւորեցին նրան բրիտանէական սիրոյ և բարեպաշտական զործերով:

Ռուսաստանի բարեճնունդ աղնուականութիւնն արեամբ վաւերացրել է իւր անձնուիրութիւնը դէպի հայրենիքը և պետական բարեկարգութեան աշխատանքների մէջ անսահմանօրէն ցոյց է տուել քաղաքական առաքինութեան բարձր օրինակ, մանաւանդ յիշատակութեան արժանի գիւղացիների ճորտութիւնից ազատութեան տարեշրջանում:

Հաւատքի, դանի և հայրենիքի պաշտպան ռուս զինուորի պատիկերը երևում է փառքի և մեծութեան փայլի

մէջ: Ռուսական քրիստոսապէր զինուորութեան անասման քաջութիւնը և անյողդող հաւատարմութիւնը դէպի իւր պարտքը, ազատեցին Ռուսաստանը թշնամիներից և այժմ ծառայում են որպէս նորա ամուր փահան ընդդէմ թշնամու յարձակման: Շատ հաստատուն և ազնիւ աշխատանք է գրուած պետութեան կազմակերպութեան գործում: Մեզ նուիրուած պաշտօնատար անձանց կողմից առանց կոշման և դիրքի խարութեան:

Գիտութեան, գրականութեան և գեղարուեստի շրջանում ականաւոր ուսւ մարդիկ փաստակեցին իրենց համար պատուաւոր անուն և նրանց աշխատանքներն ամբողջ աշխարհի ուշադրութիւնը գրաւելով, ոչ միայն Մեր հայրենիքում արժանացան բարձր գնահատման, այլ և նրա սահմաններից դուրս հեռու երկրներում: Գիւղապետութեան, փաճառակաւութեան և արդիւնաբերութեան ապարիզում առաջ եկան յամառ աշխատանքի և լայն նախաձեռնութեան ուսւ մարդիկ, որոնք միահամուռ ջանքերով ստեղծեցին Ռուսաստանի անտեսական կարողութիւնը: Անշափ է և անթիւ տասնեակ միլլիօնաւոր երկրագործների ծառայութիւնները Ռուսաստանի համար, որոնց համբերութեամբ և աշխատանքով բարեկարգուում է երկրագործական պարապմունքը և բազմանում են ժողովրդի հարստութեան աղբիւրները: Շնորհակալութեամբ յիշելով հայրենիքի բարօրութեան համար բոլոր աշխատողներին, կոչ ենք անում այժմ Ռոմանովների Տան թագաւորութեան չորրորդ դարի շէմքին Մեր բոլոր հաւատարիմ հպատակներին՝ վերառաքել Մեզ հետ ի միասին առ Ամենաբարձրեալն աղօթքներ Մեր թագակիր նախորդների հոգւոյ հանգստեան համար և բոլոր նրանց, որոնց Մեր հայրենիքը պարտական է իւր հղօրութեամբ և մեծութեամբ: Ակնածութեամբ լի յիշատակը զոհուողների քաջագործութեանց մասին թո՛ղ ծառայի իբրեւ կտակ ապագայ սերունդների համար և թո՛ղ միացնի Մեր գահի շուրջը բոլոր հաւատարիմ հպատակներին՝ նոր աշխատանքների և արիւթեանց համար ի փառս և ի բարօրութիւն Ռուսաստանի:

Յանկանալով արժանաւորապէս նշանակալից դարձնել աշխօրուայ հանդիսաւոր օրը և այս յաւերժացնել ժողովրդրդեան յիշողութեան մէջ, բարւոք համարեցինք բաշխել շնորհներ Մեր հպատակներին, որի մասին հրամայեցինք Կառավարիչ Սենատին սոյն թուին տուած հրամանագրով հրատարակել ի լուր ժողովրդեան:

Թող չապակասի Աստուածային Օրհնութիւնը Մեր և Մեր սիրելի հպատակների վրայից:

Թող Ամենակալ Տէրն ամբացնի և բարձրացնի Ռուսաց երկիրը և թող շնորհի Մեզ ոյժ՝ բարձր և ամուր պահելու հնադարեան փառաւոր դրօշակը:

Տրուած է Ս. Պետերբուրգում, փետրուարի 21-ին, Փրկչական 1913 թուին, իսկ Մեր թաղաւորութեան տասնեկիններորդ տարում:

Իսկականի վերայ Նորին Կայսերական Մեծութեան սեփական ձեռքով ստորագրած է «ՆԻԿՈԼԱՅ»:

